

საქართველოს სახელმწიფო დაცვის სპეციალური სამსახურის უფროსის

ბრძანება №17575
2014 წლის 28 ივლისი

ქ. თბილისი

საქართველოს სახელმწიფო დაცვის სპეციალური სამსახურის უწყებრივი ჯილდოების დაწესებისა და გადაცემის წესის შესახებ დებულების დამტკიცების თაობაზე

„სახელმწიფო დაცვის სპეციალური სამსახურის შესახებ“ საქართველოს კანონის 24-ე მუხლის მე-2 პუნქტის „ვ“ ქვეპუნქტის, „ნორმატიული აქტების შესახებ“ საქართველოს კანონის 25-ე მუხლის პირველი პუნქტის „ბ“ ქვეპუნქტისა და „სახელმწიფო დაცვის სპეციალური სამსახურის თანამშრომელთა სოციალური დაცვისა და მატერიალური უზრუნველყოფის შესახებ“ საქართველოს მთავრობის 2013 წლის 28 მარტის №77 დადგენილების მე-9 პუნქტის შესაბამისად, ვბრძანებ:

მუხლი 1

საქართველოს სახელმწიფო დაცვის სპეციალური სამსახურის თანამშრომლებისა და სამსახურის წინაშე განსაკუთრებული დამსახურებისთვის სხვა პირების წახალისების მიზნით დამტკიცდეს:

- ა) „საქართველოს სახელმწიფო დაცვის სპეციალური სამსახურის უწყებრივი ჯილდოების დაწესებისა და გადაცემის წესის შესახებ“ დებულება, დანართი №1-ის შესაბამისად;
- ბ) „სამსახურებრივი მოვალეობის კეთილსინდისიერად შესრულებისა და სანიმუშო დისციპლინისათვის“ - სიგელის ნიმუში, დანართი №2-ის შესაბამისად;
- გ) „საქართველოს სახელმწიფო დაცვის სპეციალური სამსახურის განვითარებაში შეტანილი განსაკუთრებული წვლილისთვის“ - სიგელის ნიმუში, დანართი №3-ის შესაბამისად;
- დ) „საქართველოს სახელმწიფო დაცვის სპეციალური სამსახურის წინაშე განსაკუთრებული დამსახურებისთვის“ - სიგელის ნიმუში, დანართი №4-ის შესაბამისად;
- ე) „უმწიკვლო სამსახურისთვის“ - სიგელის ნიმუში, დანართი №5-ის შესაბამისად;
- ვ) „უმწიკვლო სამსახურისთვის“ - მედლის ნიმუშები დანართი №6-ის შესაბამისად;
- ზ) „გამორჩეული თანამშრომლობისათვის“ სამახსოვრო მედლისა და მედალთან ერთად გადასაცემი ბლოკნოტის ნიმუშები №7 და №8 დანართების შესაბამისად.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16 830 - ვებგვერდი, 17.05.2016წ.

საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.

მუხლი 2

ძალადაკარგულად გამოცხადდეს „სახელმწიფო დაცვის სპეციალური სამსახურის უწყებრივი ჯილდოების დაწესებისა და გადაცემის წესის შესახებ დებულების დამტკიცების თაობაზე“ საქართველოს სახელმწიფო დაცვის სპეციალური სამსახურის უფროსის 2011 წლის 18 ოქტომბრის №1196 ბრძანება.

მუხლი 3

ეს ბრძანება ამოქმედდეს გამოქვეყნებისთანავე.

სახელმწიფო დაცვის სპეციალური
სამსახურის უფროსი

თეიმურაზ მღებრიშვილი

დანართი №1

საქართველოს სახელმწიფო დაცვის სპეციალური სამსახურის უწყებრივი ჯილდოების დაწესებისა და გადაცემის წესის შესახებ
დებულება

მუხლი 1

„საქართველოს სახელმწიფო დაცვის სპეციალური სამსახურის უწყებრივი ჯილდოების დაწესებისა და



გადაცემის წესის შესახებ“ დებულება (შემდგომში – დებულება) განსაზღვრავს საქართველოს სახელმწიფო დაცვის სპეციალურ სამსახურში (შემდგომში – სამსახური) უწყებრივი ჯილდოების სახეებს და მათი გადაცემის წესს.

მუხლი 2

1. სათანადო დამსახურების მქონე შესაბამისი კატეგორიის პირებს, წახალისების მიზნით ან/და სამახსოვროდ, გადაეცემათ შემდეგი სახის უწყებრივი ჯილდოები:

- ა) სიგელი „სამსახურებრივი მოვალეობის კეთილსინდისიერად შესრულებისა და სანიმუშო დისციპლინისათვის“;
- ბ) სიგელი „საქართველოს სახელმწიფო დაცვის სპეციალური სამსახურის განვითარებაში შეტანილი განსაკუთრებული წვლილისათვის“;
- გ) სიგელი „საქართველოს სახელმწიფო დაცვის სპეციალური სამსახურის წინაშე განსაკუთრებული დამსახურებისათვის“;
- დ) სიგელი „უმწიკვლო სამსახურისთვის“;
- ე) მედალი „უმწიკვლო სამსახურისთვის“;
- ვ) სამახსოვრო მედალი „გამორჩეული თანამშრომლობისათვის“.

2. სიგელი „სამსახურებრივი მოვალეობის კეთილსინდისიერად შესრულებისა და სანიმუშო დისციპლინისათვის“ გადაეცემა თანამშრომელს, რომელმაც თავი გამოიჩინა დაკისრებულ მოვალეობათა კეთილსინდისიერი შესრულებით, სანიმუშო ყოფაქცევით და მაღალი საშემსრულებლო დისციპლინით, აგრეთვე განსაკუთრებით მნიშვნელოვანი დავალების ან დიდი მოცულობის სამუშაოების შესრულებით.

3. სიგელი „საქართველოს სახელმწიფო დაცვის სპეციალური სამსახურის განვითარებაში შეტანილი განსაკუთრებული წვლილისათვის“ გადაეცემა თანამშრომელს, რომელმაც მნიშვნელოვანი წვლილი შეიტანა სამსახურის პროფესიულ და ტექნოლოგიურ განვითარებაში.

4. სიგელი „საქართველოს სახელმწიფო დაცვის სპეციალური სამსახურის წინაშე განსაკუთრებული დამსახურებისათვის“ გადაეცემა პირს (არათანამშრომელს), რომელმაც მნიშვნელოვანად შეუწყო ხელი სამსახურის წინაშე მდგარი ამოცანების გადაწყვეტას ან სამსახურის პოპულარიზაციას.

5. სიგელი „უმწიკვლო სამსახურისთვის“ გადაეცემა სამსახურის ღვაწლმოსილ თანამშრომელს, ხანგრძლივი სამსახურებრივი საქმიანობისთვის (სიგელში კეთდება აღნიშვნა ნამსახურები წლების შესახებ).

6. მედალი „უმწიკვლო სამსახურისთვის“ გადაეცემა ღვაწლმოსილ თანამშრომელს, რომელიც ხასიათდება დადებითად და წარმატებით ასრულებს სამსახურებრივ მოვალეობებს.

7. სამახსოვრო მედალი „გამორჩეული თანამშრომლობისათვის“ შესაბამის ბლოკნოტთან ერთად გადაეცემა პირს (არათანამშრომელს) სახელმწიფო დაცვის სპეციალურ სამსახურთან აქტიური და კვალიფიციური პროფესიული თანამშრომლობისათვის, მხარდაჭერისა და გამოჩენილი პროფესიონალიზმისთვის.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16 830 - ვებგვერდი, 17.05.2016წ.

საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.

მუხლი 3

1. უმწიკვლო სამსახურისთვის“ მედლით დაჯილდოებისას მხედველობაში მიიღება თანამშრომლის წელთა ნამსახურობა დაჯილდოების დღისათვის, კერძოდ:

- ა) 10-დან 15 წლამდე ნამსახურობისთვის გაიცემა III ხარისხის მედალი;
- ბ) 15-დან 20 წლამდე ნამსახურობისთვის გაიცემა II ხარისხის მედალი;
- გ) 20 და მეტი წლის ნამსახურობისთვის გაიცემა I ხარისხის მედალი;

2. თანამშრომელს „უმწიკვლო სამსახურისთვის“ შესაბამისი ხარისხის მედალთან ერთად შეიძლება გადაეცეს ამ ბრძანების მე-2 მუხლის პირველი პუნქტის „დ“ ქვეპუნქტით გათვალისწინებული სიგელიც.

3. სამსახურის უფროსის გადაწყვეტილებით, „უმწიკვლო სამსახურისთვის“ მედლით ნამსახურები წლების მიუხედავად, შეიძლება დაჯილდოვდნენ ის თანამშრომლებიც, რომლებმაც განსაკუთრებული წვლილი შეიტანეს სამსახურის წინაშე მდგარი ამოცანების ეფექტიანად გადაწყვეტაში, რამაც განაპირობა სამსახურის წარმატება და პოპულარიზაცია.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16 830 - ვებგვერდი, 17.05.2016წ.

მუხლი 4

1. ჯილდოზე თანამშრომლებს და სხვა პირებს წარადგენენ სამსახურის უფროსის მოადგილეები და სტრუქტურული დანაყოფების უფროსები კურატორ ხელმძღვანელ პირებთან შეთანხმებით, გარდა



სამახსოვრო მედლისა, რომლის გადაცემის შესახებ გადაწყვეტილებას იღებს სამსახურის უფროსი, ხოლო ბრძანებას მისივე დავალებით ამზადებს სამსახურის ადმინისტრაციის (დეპარტამენტი) ადამიანური რესურსების მართვის მთავარი სამმართველო.

2. წარდგენა ხორციელდება წერილობითი პატაკით, რომელშიც აღინიშნება ჯილდოს სახეობა და წარდგინების საფუძველი.

3. პატაკები სათანადო რეზოლუციით ეგზავნება სამსახურის ადმინისტრაციის (დეპარტამენტი) ადამიანური რესურსების მართვის მთავარ სამმართველოს, რომელიც უზრუნველყოფს სამსახურის უფროსის შესაბამისი ბრძანების მომზადებას (აღნიშნულ ბრძანებაში აგრეთვე გათვალისწინებული უნდა იყვნენ სამსახურის უფროსის მიერ მითითებული პირებიც).

4. უწყებრივი ჯილდოების სააღრიცხვო რეგისტრაციას აწარმოებს სამსახურის ადმინისტრაციის (დეპარტამენტი) ადამიანური რესურსების მართვის მთავარი სამმართველო.

5. უწყებრივ ჯილდოსთან ერთად შეიძლება გაიცეს ფულადი ჯილდოც, რომლის ოდენობაც დგინდება სამსახურის უფროსის ბრძანებით.

6. მოქმედი დისციპლინური სახდელის მქონე თანამშრომელი, შესაბამისი დამსახურების შემთხვევაში, უწყებრივი ჯილდოს მისაღებად წარდგენასთან ერთად იმავდროულად წარდგენილი უნდა იქნეს დაკისრებული დისციპლინური სახდელის ვადაზე ადრე მოხსნაზე.

7. დაჯილდოებული თანამშრომელი ახალი დამსახურების გამო შეიძლება კვლავ დაჯილდოვდეს იმავე ან სხვა ჯილდოთი.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16 830 - ვებგვერდი, 17.05.2016წ.

საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.

საქართველოს სახელმწიფო დაცვის სპეციალური სამსახურის უფროსის 2020 წლის 25 ივნისის ბრძანება №15802 - ვებგვერდი, 26.06.2020წ.

მუხლი 5

1. დაჯილდოებულ პირს უწყებრივი ჯილდო გადაეცემა პირადად ან საზეიმო ვითარებაში. ჯილდოს გადასცემს სამსახურის უფროსი ან მისი მოადგილე.

2. სიკვდილის შემდეგ დაჯილდოების შემთხვევაში ჯილდო გადაეცემა დაჯილდოებულის ოჯახს.

3. სიკვდილის შემდეგ დაჯილდოებულს, თუ არ ჰყავს მემკვიდრე, ჯილდო რჩება სამსახურს.

4. მედლის დაკარგვის ან დაზიანების შემთხვევაში დაუშვებელია მისი ასლის გაცემა.

5. დაჯილდოებული თანამშრომლის პირად საქმეში თავსდება დაჯილდოების შესახებ სამსახურის უფროსის ბრძანების ეგზემპლარი ან ამონაწერი, ხოლო პირადი საქმის ნამსახურობის ნუსხაში კეთდება სათანადო ჩანაწერი, ბრძანების ნომრის, გამოცემის თარიღისა და ჯილდოს სახეობის მითითებით.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16 830 - ვებგვერდი, 17.05.2016წ.

მუხლი 6

1. დაჯილდოებულ თანამშრომლებს აქვთ ჯილდოების ან მათი აღმნიშვნელი ნიშნების ტარების უფლება. დაჯილდოებული თანამშრომელი მედალს ატარებს მკერდზე, მარცხენა მხარეს.

2. მედლის ტარების უფლება აქვს მხოლოდ ამ მედლით დაჯილდოებულ თანამშრომელს. დაუშვებელია ამ უფლების სხვა პირისთვის გადაცემა.

3. აკრძალულია ჯილდოდ გადაცემულ სიგელზე და მედალზე ნებისმიერი სახის ზემოქმედება, რომელმაც შესაძლოა გამოიწვიოს მისი ორიგინალური სახის (ვიზუალური და ხარისხობრივი) შეცვლა.

4. სიგელის ან/და მედლის დაზიანების ან დაკარგვის შესახებ დაჯილდოებული პირი ვალდებულია დაუყოვნებლივ აცნობოს სამსახურის ხელმძღვანელობას. ასეთ დროს ხორციელდება მისი ჩამოწერა, რაც წარმოადგენს სარეგისტრაციო-სააღრიცხვო მონაცემებში შესაბამისი აღნიშვნების შეტანის საფუძველს.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16 830 - ვებგვერდი, 17.05.2016წ.

მუხლი 7

სიგელების, მედელების, მათი შესანახი ყუთების და სამახსოვრო მედალთან ერთად გადასაცემი ბლოკნოტების დამზადების ორგანიზაციულ და ფინანსურ უზრუნველყოფას ახორციელებს სამსახურის ეკონომიკური დეპარტამენტი სამსახურის ადმინისტრაციის (დეპარტამენტი) მოთხოვნისა და მონაცემების საფუძველზე .

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16830 - ვებგვერდი, 17.05.2016წ.

საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.

საქართველოს სახელმწიფო დაცვის სპეციალური სამსახურის უფროსის 2020 წლის 25 ივნისის ბრძანება №15802 - ვებგვერდი, 26.06.2020წ.



ს ი შ ა ლ ი



Certificate

საქართველოს სახელმწიფო დაცვის სპეციალური სამსახური.
ეძლევა _____

სამსახურებრივი მოვალეობის კეთილსინდისიერად შესრულებისა და სანიმუშო დისციპლინისათვის
SPECIAL STATE PROTECTION SERVICE OF GEORGIA

Is awarded to _____

For performing official duties with honesty and integrity and for exemplary conduct in the line of duty

საქართველოს სახელმწიფო დაცვის სპეციალური სამსახურის უფროსი, სახელმწიფო დაცვის _____

Head of the Special State Protection Service of Georgia State Protection _____

№ _____ „ _____ “ _____ 20 _____ წ.

ს ი შ ა ლ ი



Certificate

ეძლევა _____

საქართველოს სახელმწიფო დაცვის სპეციალური სამსახურის განვითარებაში
შეტანილი განსაკუთრებული წვლილისთვის

Is awarded to _____

For the Valuable Contribution to the Development of the Special State Protection Service of Georgia


საქართველოს სახელმწიფო დაცვის სპეციალური სამსახურის უფროსი, სახელმწიფო დაცვის _____

Head of the Special State Protection Service of Georgia State Protection _____

№ _____ „ _____ “ _____ 20 _____ წ.



ს ი მ ს ე ლ ი



Certificate

ედლევა _____

საქართველოს სახელმწიფო დაცვის სპეციალური სამსახურის
წინაშე განსაკუთრებული დამსახურისათვის

Is awarded to _____


In recognition of special merit in the Special State Protection
Service of Georgia

საქართველოს სახელმწიფო დაცვის სპეციალური სამსახურის უფროსი

Head of the Special State Protection Service of Georgia

№ _____ „____“ _____ 20__წ.

ს ი მ ს ე ლ ი



Certificate

ედლევა _____

____ წლიანი უმწიკლო სამსახურისთვის

Is awarded to _____

For _____ Years Honourable Duty

საქართველოს სახელმწიფო დაცვის სპეციალური სამსახურის უფროსი, სახელმწიფო დაცვის

Head of the Special State Protection Service of Georgia State Protection

№ _____ „____“ _____ 20__ წ.



მედალი „უმწიკვლო სამსახურისთვის“



1. მედალი „უმწიკვლო სამსახურისთვის“ წარმოადგენს:

ა) ავერსი (I ხარისხი) - მრგვალ ოქროსფერ ჰერალდიკურ ფარს, რომელზეც განთავსებულია ვერცხლისფერი მეტალის ბოლნური ჯვარი, რომლის ცენტრალურ ნაწილში განთავსებულია სახელმწიფო დაცვის სპეციალური სამსახურის გერბი. ჰერალდიკური ფარის ზემოთ, ბოლნურ ჯვარზე განთავსებულია ოქროსფერი მეტალის ბაფთა, რომლის ოქროსფერ ველზე ლურჯი ასოებით შესრულებულია წარწერა - „უმწიკვლო“, ხოლო ჰერალდიკური ფარის ქვემოდან ბოლნურ ჯვარზე განთავსებულია ოქროსფერი ბაფთა, რომლის ოფროსფერ ველზე ლურჯი ასოებით შესრულებულია წარწერა „სამსახურისთვის“;

ბ) ავერსი (II ხარისხი) - მრგვალ ვერცხლისფერ ჰერალდიკურ ფარს, რომელზეც განთავსებულია ვერცხლისფერი მეტალის ბოლნური ჯვარი, რომლის ცენტრალურ ნაწილში განთავსებულია სახელმწიფო დაცვის სპეციალური სამსახურის გერბი. ჰერალდიკური ფარის ზემოთ, ბოლნურ ჯვარზე განთავსებულია ვერცხლისფერი მეტალის ბაფთა, რომლის ვერცხლისფერ ველზე ლურჯი ასოებით შესრულებულია წარწერა - „უმწიკვლო“, ხოლო ჰერალდიკური ფარის ქვემოდან ბოლნურ ჯვარზე განთავსებულია ვერცხლისფერი ბაფთა, რომლის ვერცხლისფერ ველზე ლურჯი ასოებით შესრულებულია წარწერა „სამსახურისთვის“;

გ) ავერსი (III ხარისხი) - მრგვალ ბრინჯაოსფერ ჰერალდიკურ ფარს, რომელზეც განთავსებულია ვერცხლისფერი მეტალის ბოლნური ჯვარი, რომლის ცენტრალურ ნაწილში განთავსებულია სახელმწიფო დაცვის სპეციალური სამსახურის გერბი. ჰერალდიკური ფარის ზემოთ, ბოლნურ ჯვარზე განთავსებულია ბრინჯაოსფერი მეტალის ბაფთა, რომლის ბრინჯაოსფერ ველზე ლურჯი ასოებით შესრულებულია წარწერა „უმწიკვლო“, ხოლო ჰერალდიკური ფარის ქვემოდან ბოლნურ ჯვარზე განთავსებულია ბრინჯაოსფერი ბაფთა, რომლის ბრინჯაოსფერ ველზე ლურჯი ასოებით შესრულებულია წარწერა „სამსახურისთვის“.

2. რევერსი (I, II, III ხარისხი) - მედლის უკანა მხარეს ჰერალდიკური ფარი ხარისხის შესაბამისი ფერის (ოქროსფერი, ვერცხლისფერი, ბრინჯაოსფერი) რომელზეც წრიულად ტვიფრული ასოებით გაკეთებულია წარწერა ქართულ და ინგლისურ ენებზე („საქართველოს სახელმწიფო დაცვის სპეციალური სამსახური/SPECIAL STATE PROTECTION SERVICE OF GEORGIA“). ქართულ და ინგლისურ წარწერებს შორის, ასევე ტვიფრული სახით, გამოსახულია წრეში ჩასმული ჯვარი. სამკერდე ნიშნის უკანა გვერდის ცენტრალურ ნაწილში გამოსახულია ერთიანი საქართველოს რუკა, რომელსაც ფონად აქვს საქართველოს სახელმწიფო დროშა.

3. მედლის მკერდზე საკიდი ლენტი (I, II, III ხარისხი) - ლაჟვარდისფერი, რომელსაც ხარისხების მიხედვით გასდევს ერთი, შესაბამისი ფერის (ოქროსფერი, ვერცხლისფერი, ბრინჯაოსფერი) კანტი



მეწამული ზოლით.

4. მედლის თამასა (I, II, III ხარისხი) - ლაჟვარდისფერი, რომელსაც ხარისხების მიხედვით გასდევს ერთი, შესაბამისი ფერის (ოქროსფერი, ვერცხლისფერი, ბრინჯაოსფერი) კანტი მეწამული ზოლით.

საქართველოს სახელმწიფო დაცვის სპეციალური სამსახურის უფროსის 2016 წლის 16 მაისის ბრძანება №16830 - ვებგვერდი, 17.05.2016წ.

საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.

დანართი №7

საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.

სამახსოვრო მედალი

გამორჩეული თანამშრომლობისათვის



1. სამახსოვრო მედალი „გამორჩეული თანამშრომლობისათვის“ წარმოადგენს:

ა) ავერსი - ოქროსფერ ვარსკვლავში მოთავსებულ სამსახურის გერბის ცენტრალურ კომპოზიციას, რომელსაც წრიულად გარს აკრავს ტვიფრული ასოებით შესრულებული ქართული და ინგლისურენოვანი წარწერა - („საქართველოს სახელმწიფო დაცვის სპეციალური სამსახური/SPECIAL STATE PROTECTION SERVICE OF GEORGIA“). ქართულ და ინგლისურ წარწერებს შორის, ასევე ტვიფრული სახით, გამოსახულია წრეში ჩასმული ჯვარი;

ბ) რევერსი - ოქროსფერ ვარსკვლავში მოთავსებულ ხუთ ოთხქიმიან (ერთი დიდი ზომის და ოთხი ირიბად განთავსებული მცირე ზომის) ვარსკვლავს სამსახურის გერბის ცენტრალური კომპოზიციიდან, რომელსაც წრიულად გარს აკრავს ტვიფრული ასოებით შესრულებული ქართული და ინგლისურენოვანი წარწერა - („გამორჩეული თანამშრომლობისათვის“/FOR OUTSTANDING



COOPERATION“). ქართულ და ინგლისურ წარწერებს შორის, ასევე ტვიფრული სახით, გამოსახულია წრეში ჩასმული ჯვარი;


გ) მედლის მკერდზე საკიდი ლენტი - ლაჟვარდისფერი, რომელსაც გასდევს სამი ტეხილი (ორი ოქროსფერი და შუაში ერთი მეწამული) კანტი.

დანართი №8


საქართველოს სახელმწიფო დაცვის სპეციალური სამსახურის უფროსის 2016 წლის 22 აგვისტოს ბრძანება №31143 - ვებგვერდი, 23.08.2016წ.


სამახსოვრო მედალთან ერთად გადასაცემი ბლოკნოტი:

ა) ბლოკნოტის ყდის (ზომა: სიმაღლე - 32სმ., სიგანე -22სმ.) გარე მხარე:



ბ) ბლოკნოტის ყდის (ზომა: სიმაღლე - 32სმ., სიგანე -22სმ.) შიდა მხარე:





შენიშვნა: უკანა ყდის შიდა მხარეს განთავსებულია შიგთავსის სამაგრი თეთრი ლენტის მეწამული ზოლით.

გ) ბლოკნოტის შიგთავსის (ზომა: A3-ის ფორმატი) გარე მხარე - თეთრი, შიდა მხარე:

საქართველოს
სახელმწიფო დაგვის
სპეციალური სამსახურის
სამახსოვრო მედალი

„გამორჩეული თანამშრომლობისათვის“

საქართველოს სახელმწიფო დაგვის სპეციალური სამსახურის სახელმწიფო დაგვის სპეციალური სამსახურის უფროსი

ბ რ ძ ა ნ ე ბ ი თ

საქართველოს სახელმწიფო დაგვის სპეციალური სამსახურთან აქტიური და კვალიფიციური პროფესიული თანამშრომლობისთვის, მხარდაჭერისა და გამოჩენილი პროფესიონალიზმისთვის

სამახსოვრო მედლით - „გამორჩეული თანამშრომლობისათვის“

დაჯილდოვდა

საქართველოს სახელმწიფო დაგვის სპეციალური სამსახურის უფროსი

სამხარეო

თბილისი

თბილისი

თბილისი

შენიშვნა: სამახსოვრო მედლის („გამორჩეული თანამშრომლობისათვის“) უცხოელის დაჯილდოების შემთხვევაში ბლოკნოტის შიგთავსი შეიძლება შეივსოს ინგლისურ ენაზე, დამტკიცებული ტექსტის მიხედვით.

